

# EFESUS

## Pepa Paulo ingere panzi kalo-tawana tamâta simo Efesus lawea

Paulo imo luma sakamao ilo nana ne wurâta nana itula pâri ara kê, ande ingere ngua nine ilâ panzi kalo-tawana tamâta simo Efesus lawea lâ Esia tâno (Pâri Tamâta 24:27). I muŋga imo Efesus lawea mbwani rua (Pâri Tamâta 18:18-21, 19). Ingere ngua nine nana ipu tini kaika panzi kalo-tawana tamâta. Ipanananzi tu kinda rârâni tamo togo Yesu kie-mbalau mine, aŋga Yesu nde imo kulu-kâmba pa kinda. Aku itula vetâŋa arara pinde panzi tona nana kinzi ma sipaveta kuku. Paulo iporo ngua nana kelekele pinde ikura tu ivila kinda lâ zo nana Sadana ikai kazâŋa pa kinda (6:10-18).

---

**1** <sup>1</sup>Naŋa Paulo, naŋa amo Yesu Kirisi ne pâri-tamâta ikura Maro Kindeni ne pateâŋa mine. Naŋa aŋgere ngua lâ pepa nine tini imâ pa miki Maro Kindeni ne tamâta kamo Efesus lawea, miki ŋinde kapaipa kuku Yesu Kirisi lâ kala uru kamandi kaika nâ. <sup>2</sup>Kinda Tamânda Maro Kindeni aŋga Maro Ŋjalae Yesu Kirisi rua nenzi wisi-wisi wa wisi-pisi wa imâ pami.

**Kinda kalonda tawana Kirisi, kala Maro Kindeni  
samba ne kelekele arara rârâni ilua kinda lâ**

<sup>3</sup>Tapanea nenda Maro Ŋjalae Yesu Kirisi ne Maro Kindeni, ina Yesu Tama. Kinda tapaipa kuku Kirisi lâ, aku nana duvi ŋinde kê Maro Kindeni iveta kie ara pa kinda ku samba ne kelekele arara rârâni ilua kinda marumbu lâ. <sup>4</sup>I iveta kie ara pa kinda mine: nia ndoyo, lâ zo ŋinde Maro Kindeni ŋandai ipulia tâno ipâŋga nŋa, ande ipatea kinda muŋgani lâ nana tapaipa kuku Kirisi kê. Ipatea tu kinda ma tamo i tamwata ne tamâta ku ma tamo ilonda mbâra-mbâra ndo lâ i nao, nenda soki tonge tia. <sup>5</sup>Maro Kindeni ilo ndo keno pa kinda. Mine kala nia ndoyo ipatea tu

Yesu Kirisi ma iveta kinda tapânga tamo i tamwata natu wukale. Maro Kindeni ilo patewa tu ma iveta mine, kala iveta lâ. <sup>6</sup>Maro Kindeni ne wisi-wisi nde ñalae tina ku ara ndo, aku i io ñinde imâ pa kinda itogo wisi-ara mine, ne kulu tia. Maro Kindeni itula ne wisi-wisi ñinde pwataki lâ i Natu tini, natuni ñinde i tini mwasa ndo papa. Mine nde ara ñana kinda ma tapanea Maro Kindeni tasuka i ña kâki. <sup>7</sup>Maro Kindeni ne wisi-wisi nde ñalae ndo! Mine kala io Yesu Kirisi ilâ imâte ñana iko kinda piti lâ kondoma ilo, aku i see ñinde izavaru kiesaka piti lâ tininda. <sup>8</sup>Mao nâ, Maro Kindeni ne ilo-kalo nde ñalae tina ku ara ndo. Mine kala io ne wisi-wisi imâ more-more ñalae pa kinda lâ. <sup>9</sup>Muñgani, Maro Kindeni ne pateâña ikeno paveâña nâ, andeta nia ndoyo i ipatea tu Yesu Kirisi ma itula ñinde pwataki pa kinda. <sup>10</sup>Maro Kindeni ne pateâña ñinde nde mine; muli ñga, lâ zo sondo ndo, ande i ma igona kelekele rârâni muñga ipulianzi ñinde ku ma ionzi simo lâ taitu. Ñineñga i ma io Kirisi ikai maro pa samba wa tâno nenzi kelekele ñinde rârâni.

<sup>11</sup>Maro Kindeni uru iveta ikura i tamwata ne pateâña nâ. Aku nanayoni, lâ nia ndoyo, ande i tamwata ipatea tu maka Juda tamâta pinde ma kapaipa kuku Kirisi ku kamo Maro Kindeni ne ñgu mao. <sup>12</sup>Ipatea tu maka Juda tamâta ma kamuñga panzi tamâta rârâni ñana kaloma tawana Kirisi ku kao tinima papa i tu ma iveta kie ara pama. I ilo tu maka ma kapanea i kasuka ña kâki. <sup>13</sup>Maka kamo lee ku muli, ñineñga miki tamâta lâ tinikoa ñgu kaloño pâri ara lâ, aku ñgua mao ñinde iyautemi piti lâ kondoma ilo. Lâ zo ñinde, miki kala kapânga Maro Kindeni ne ñgu mao, katogo maka mine. Miki kao nemi kalo-tawana ilâ pa Kirisi lâ, ñineñga Maro Kindeni ipono muli pa i ne ñgua pâña muñgâña kala io Koroani Sapâña imâ imo miki ilomi, itogo kilala tonje ñana itula pwataki tu miki kamo i ne tamâta sondo. <sup>14</sup>Muñgani Maro Kindeni ipa ñgua tu ma iveta kie ara nâ panzi ne tamâta, aku Koroani Sapâña itula pwataki tu ñgua pâña ñinde ma ipânga kanaño mao pa kinda. Mine kala kinda tasama tu muli, ande i ma ikai ne tamâta kinda talâ tamo ara ndo kuku i. Tapanea i tasuka ña kâki!

### **Paulo ino pa Maro Kindeni tu i ma itula ilo-kalo ara panzi Efesus ñgu**

<sup>15-16</sup>Maro Kindeni iveta ne ñgua pâña ñinde ipânga kanaño pa miki lâ. Mine kala naña uru kawângu ndaenge ilâ pa Maro Kindeni ñana miki kâ. Muñga, lâ zo ñinde naña aloño parinami tu miki kalomi tawana Yesu Kirisi ku kao ilomi ndo ilâ panzi Maro Kindeni ne tamâta rârâni, ande naña kawângu ndaenge papa i mine nâ. Aku kawângu ndaenge mine lee ikura lâ zo ñine. Naña uru kaloñgu ñgere ñanami lâ zo rârâni naña akai noña papa i. <sup>17</sup>Naña uru ano pa nenda Maro Ñalae Yesu Kirisi ne Maro Kindeni, ina kinda Tamânda, aku i ara tamwata. Naña ano tu i ne Koroani Sapâña ma ipananami ñana i ne vetâña kâ, aku naña ano tu

Koroani Sapâŋa ma itula Maro Kindeni tamwata kilala pwataki pami tona, ŋana miki ma kasama i kilala sondo kâ. <sup>18</sup>Naŋa uru ano papa i tu ma io ne sinâla imâ ipane ilomi kalomi. Ambo i ma iveta mine, ŋineŋga miki ma kasama kelekele ŋato ŋine: miki ma kasama tu kinda ma muli tamo kuku i, aku i ilo tu miki ma kao tinimi sondo ndo ŋana zo ŋinde kâ; aŋga miki ma kasama tu i ma iveta kie ara ndo panzi ne tamâta, ikura ne ŋgua pâŋa muŋgâŋa mine; <sup>19</sup>aŋga miki ma kasama tu i ne walo kaika uru iveta wurâta lâ i ne kalo-tawana tamâta kinda ilonda kalonda, aku walo kaika ŋinde nde ŋalae tina. Walo toŋge ipakura kuku i ne walo ŋinde, ande tia ndo. Nanayoni ikai ne walo kaika ndainani nâ, <sup>20</sup>aku ipaŋo Yesu Kirisi imandi lâ mateŋa nianzi imo via kilo, ŋineŋga io i isaŋona pa i tini pa wia kâ lâ samba lawea. <sup>21</sup>Kirisi imo ikai maro mine lâ samba lawea, aku ipolenzi koroani kaika kie-kie rârâni simo lâ nia maa sikai poe pa kelekele kie-kie. I ŋa ŋalae ndo, ipole ŋoa rârâni lâ nia ndoni, lâ zo ŋine wa zo muli-muli mine nâ.

<sup>22</sup>Maro Kindeni io Kirisi ikai Maro ŋalae pa kelekele ŋinde rârâni, aku ipatea tu kinzi kalo-tawana tamâta ŋgu rârâni ma simo i kalo tona. <sup>23</sup>Kinzi kalo-tawana tamâta ŋgu nde simo sitogo Kirisi kie-mbalau mwasina, aku sipipi ndo lâ i ilo, itogo i kala uru ipazeze tamwata lâ kelekele rârâni ilonzi ku ipipi ndo lâ ilonzi mine nâ.

**Muŋga kinda tamo tatogonzi mateŋa tamâta mine,  
andeta Maro Kindeni via mao ilua kinda lâ**

**2** <sup>1</sup>Muŋga, ande miki kapaveta kuku vetâŋa soki wa kiesaka kie-kie wa. Mine kala lâ zo muŋgâŋa ŋinde miki kamo katogonzi mateŋa tamâta mine lâ Maro Kindeni nao. <sup>2</sup>Lâ zo muŋgâŋa ŋinde, ande miki kapaveta kuku tâno ŋine ne mâsi sakamao. Miki kapono muli pa koroani saka nenzi koipu Sadana, ina kala uru ikai poe panzi koroani saka ŋinde kala simo tava nenzi kaika lâ nia maa. Aku Sadana nde koroani ndainani uru ikai poe pa tamâta pinde ilonzi kalonzi lâ zo ŋine tona, kinzi ŋinde taŋanzi kaika pa Maro Kindeni. <sup>3</sup>Mao nâ, muŋga kinda rârâni tamo tatogonzi tamâta ŋinde, aku tapaveta kuku ilo-kalo siŋga nâ. Lâ zo ŋinde kinda taveta vetâŋa ndia warakânda ilonda pateva tu taveta. Mine kala lâ zo muŋgâŋa ŋinde, ande kinda kala tamo tamâta ŋana takai Maro Kindeni ne wisi-nâna kâ, itogo nenda vetâŋa soki-soki ŋinde ne kulu mine. <sup>4-5</sup>Mao kanaŋo, kinda warakânda nenda kiesaka ŋinde iveta kinda tapâŋga tatogonzi mateŋa tamâta mine lâ Maro Kindeni nao. Taitu Maro Kindeni ne kalo-sukâŋa wa tini-mwasa pa kinda nde ŋalae tina. Mine kala lâ zo muŋgâŋa ŋinde, ande i via mao ilua kinda lâ, itogo via mao ŋinde muŋga ilua Kirisi mine. Maro Kindeni nde wisi-wisi warika, aku ŋana duvi ŋinde kâ iyaute kinda piti lâ kondoma ilo. <sup>6</sup>Kinda tapaipa kuku Kirisi lâ, aku ŋine itogo Maro Kindeni ipaŋo kinda tamandi tamo viânda

kilo kuku Kirisi, aku itogo Maro Kindeni io kinda takai maro kuku Kirisi lâ samba lawea. <sup>7</sup>I ne vetâña ara ñinde nde duvi mine; i ilo tu tamâta ndoni lâ zo muli-muli ma sisama tu i ne wisi-wisi nde ñalae tina. Aku Yesu Kirisi ne tini-mwasa pa kinda itula Maro Kindeni ne wisi-wisi ñinde kilala pwataki. <sup>8</sup>Miki kao nemi kalo-tawana ilâ pa Kirisi lâ. Mine kala ñana Maro Kindeni ne wisi-wisi ñinde kâ, ande iyautemi piti lâ kondoma ilo marumbu lâ. Miki kakura ñana kapavila warakami mine, ande tia ndo. Ñinde Maro Kindeni iveta pami itogo i ne wisi-ara mine. <sup>9</sup>Miki nemi vetâña ara pinde ñandai igagati Maro Kindeni ñana iyautemi piti lâ kondoma ilo ñga. Mine kala tamâta tonje ikura ñana ipasuka tamwata tini ñana i tamwata ne vetâña ara pinde kâ, ande tia. <sup>10</sup>Kinda tapaipa kuku Yesu Kirisi lâ. Mine kala Maro Kindeni iveta kinda tapânga tamâta wasaseki, ñana ma taveta vetâña arara ikura zo râràni. Aku i nanayoni ipatea vetâña arara ñinde pa kinda tu taveta kâ.

### **Kirisi ipupu kazâña imâte lâ, aku ivetanzi ñgu rua simo taitu**

<sup>11</sup>Miki tinami-tamami simo lâ ñgu pinde. Mine kala miki nde Juda tamâta tia. Aku miki kasama tu kinzi Juda tamâta uru siporo tu, “Maka nde Maro Kindeni ne ñgu sondo, ñana tu maka kakai karae-veña ne mâsi lâ tinima.” Andeta kinzi uru siporo ñgua ñana miki tamâta lâ tinikoa ñgu mine tu, “Kinzi nde Maro Kindeni ne ñgu tia, ñana tu kinzi ñandai sikai karae-veña ne mâsi lâ tininzi ñga”. Andeta ñgua kaña mine nde ñgua kaa nâ ñana tamâta nâ nenzi mâsi kâ. Mine kala ara ñana miki ma kalomi ñgere sondo ñana ñine kâ; <sup>12</sup>Muñgani, miki kamo lâ tinikoa ñgu, aku miki kasama Kirisi kilala tia. Lâ zo ñinde miki kamo lombo nâ, ñana tu miki kamo piti ndo ñana Maro Kindeni ne pateâña tamâta simo lâ Isrel ñgu. Lâ zo muñgâña ñinde miki kamo niaka ñana Maro Kindeni ne ñgua pâña kâ. Miki kazizâla ñana Maro Kindeni kâ, aku miki kakura tu kao tinimi ñana vetâña ara tonje tu ma imâ ipânga pami lâ zo muli kâ, ande tia. <sup>13</sup>Muñga miki kamo malawae mine. Taitu lâ zo ñine, ande miki kapaipa kuku Yesu Kirisi lâ, aku Kirisi ipaliñi i tamwata see tu ikai nzâla piti pami ñana kalâ kamo i tini laiti.

<sup>14-15</sup>Kirisi tamwata nde wisi-pisi warika. Mine nde ina iveta maka Juda ñgu kamo iloma taitu kunzi tinikoa ñgu. Muñga Juda ñgu sikai kazâña panzi ñgu pinde râràni, aku kazâña ñinde iveta Mose ne ñgua tukuña ipânga itogo ñgumbi ñana ipunzi pwapwataki simo piti piti. Andeta Yesu Kirisi ne mateña ipu ñgumbi ñinde pwataki lâ, aku izavaru kazâña ñinde piti lâ. Aku lâ zoni ndaina, ande Kirisi izavaru walo piti lâ Mose ne ñgua tukuña tava ñgua tukuña kiri-kiri pinde râràni tona. I ne vetâña ñinde nde duvi mine; i ilo tu igonanzi ñgu rua ñinde sipasipa lâ taitu kuku i, ku ivetanzi sipânga ñgu wasaseki. Aku i ne vetâña ñinde iveta kinda tamo tava wisinda pisi nâ. <sup>16</sup>Kirisi imâte lâ kâi popole tini ñana itunzi

nggu rua n̄inde simo lâ see nggu taitu, aku imâte n̄ana ikainzi sitaulo simâ pa Maro Kindeni kilo. Aku lâ kâi popole tini, ande ipupu kazâna muŋga ikeno tamâta n̄gininzi n̄inde imâte ndo lâ. <sup>17</sup>Kirisi imâ lâ, aku itula pâri ara n̄ana i ne wisi-pisi kâ pwataki pa miki tinikoa nggu, miki n̄inde muŋga kamo malawae ndo n̄ana Maro Kindeni kâ. Aku itula pâri ara ndainani nâ panzi Juda nggu tona, kinzi n̄inde muŋga simo Maro Kindeni tini laiti. <sup>18</sup>Kirisi igona kinda rârâni tamo see nggu taitu nâ. Mine kala Koroani Sapâna taituni n̄inde uru ivila kinda rârâni, maka Juda tamâta wa miki tamâta lâ tinikoa nggu wa, n̄ana kinda takura tu tamandi Tamânda Maro Kindeni nao.

**Kinda kalo-tawana tamâta rârâni nde tamo Maro Kindeni natu wukale**

<sup>19</sup>Mine kala lâ zo n̄ine, ande miki tamâta lâ tinikoa nggu kamo katogonzi tamâta lombo mine, ande tia. Miki kamo lâ nggu taitu kunzi Maro Kindeni ne kalo-tawana tamâta, kala kamo katogo i natu wukale mine. <sup>20</sup>Miki katogo luma tonje Maro Kindeni ipa kâki mine. I muŋga iŋgunu maka pâri-tamâta tavanzi ngua-tulâna tamâta kamo katogo luma n̄inde ne n̄gunu-n̄gunu. An̄ga Yesu Kirisi tamwata nde imo luma n̄inde ne n̄gunu-n̄gunu tina mao. <sup>21</sup>Luma n̄inde ne tuka rârâni nde sipasenje lâ taitu ku sipaipa ndo kuku Kirisi nâ. Aku Maro Kindeni n̄andai iveta luma n̄inde ndoni marumbu n̄ga. I ma imo ipa luma n̄inde kâki lee, ikura lâ zo ndia luma n̄inde ma ipân̄ga itogo Maro Ŋjalae tamwata ne luma sapâna mao mine. <sup>22</sup>Aku miki kala kapaipa kuku Kirisi mine nâ. Mine kala Maro Kindeni igona miki kamâ kamo taitu kunzi kalo-tawana tamâta rârâni. Miki rârâni kapân̄ga katogo Maro Kindeni ne luma mao, aku i tamwata ne Koroani Sapâna uru imo luma n̄inde ilo.

**Paulo ne wurâta nde n̄ana itula pâri ara panzi tamâta lâ tinikoa nggu**

*Kolosi 1:24-27*

**3** <sup>1</sup>Miki rârâni kapân̄ga katogo Maro Kindeni ne luma mao mine, aku n̄ana duvi n̄inde kâ naŋa Paulo uru akai noŋa papa i tu ma ivilami. Kala zo n̄ine naŋa amo luma sakamao ilo, n̄ana tu naŋa aveta wurâta pa Yesu Kirisi n̄ana atula pâri ara pa miki tamâta lâ tinikoa nggu.

<sup>2</sup>Naŋa atu miki kaloŋo naŋa parinân̄gu tâ. Maro Kindeni ipatea naŋa tu ma aveta wurâta n̄ine n̄ana avila miki kâ, aku n̄ine itula pwataki tu i ne wisi-wisi ikeno pa naŋa. <sup>3</sup>Maro Kindeni tamwata itula ne vetâna paveâna n̄inde pwataki pa naŋa marumbu lâ. Naŋa muŋga nâ an̄gere ngua mbuku taitu pami n̄ana n̄ine kâ. <sup>4</sup>Ambo miki ma kaponu ngua n̄inde sondo, ande ma kasama tu naŋa asama Kirisi ne vetâna paveâna n̄inde kilala sondo lâ. <sup>5</sup>Lâ zo muŋgâna rârâni, ande Maro Kindeni n̄andai itula vetâna paveâna n̄inde ipân̄ga nia yo panzi tamâta n̄ga. An̄ga lâ zo n̄ine, ande Maro Kindeni ne Koroani Sapâna itula n̄ine pwataki lâ panzi

ne pâri-tamâta wa kinzi ngua-tulâña tamâta wa, kinzi njinde i muŋga ipateanzi papa i tamwata. <sup>6</sup>Maro Kindeni ne vetâña paveâña njinde ande mine; pâri ara ikai nzâla piti pa miki tamâta lâ tinikoa ngu, ñana miki kakura tu kapânga kamo lâ see ngu taitu kuku maka Juda tamâta. Mine kala Maro Kindeni ne vetâña ara imâ pa miki tona, aku Yesu Kirisi iveta Maro Kindeni ne ngua pâña muŋgâña njinde ipânga kanaŋo pa kinda rârâni.

<sup>7</sup>Maro Kindeni io ne wisi-wisi imâ pa naña itogo wisi-ara mine, ne kulu tia. Aku ñana i ne wisi-wisi njinde kê ande ipatea naña apânga i ne wurâta tamâta ñana atula pâri ara ñine kê. I ne walo kaika nde iveta wisi-wisi njinde imâ pa naña. <sup>8</sup>Naña amo atogo tamâta kaa nâ lâ Maro Kindeni ne tamâta rârâni naonzi. Taitu i ne wisi-wisi imâ pa naña lâ, kala i wurâta ara njinde ilua naña ñana atula pâri ara panzi tamâta lâ tinikoa ngu. Pâri ara njinde nde ara ndo, aku ipânga kelekele ñalae tina kala ipole kinda tamâta nenda ilo-kalo. <sup>9</sup>Aku Maro Kindeni wurâta ara toŋge kilo kala ilana tona. Njinde nde wurâta ñana atula pwataki tu i ma iveta vetâña paveâña njinde mâsi mana. Maro Kindeni, inani nia ndoyo ipulianzi kelekele rârâni sipânga lâ, ande ipatea tu i ne vetâña njinde ma ikeno paveâña nâ ikura zo muŋgâña rârâni. <sup>10</sup>I wurâta njinde ilua naña ñana duvi ñine kê; i ilo tu lâ zo ñine, ande i ne kalo-tawana tamâta ngu ma situla i ne ilo-kalo kie-kie rârâni pwataki panzi koroani kaika simo samba ilo. <sup>11</sup>Nia ndoyo, Maro Kindeni ipatea tu nenda Maro Ñalae Yesu Kirisi ma ikai nzâla piti panzi i ne ngu ñana situla ilo-kalo njinde pwataki kê, ande kala vetâñani ndaina nde ipânga lâ, ikura Maro Kindeni ne pateâña mine. <sup>12</sup>Kinda kalonda tawana Kirisi, aku tapaipa kuku i lâ. Mine kala lâ zo ndia tamandi Maro Kindeni nao, ande kinda taruru tia. Kinda tasama tu i ma ilo ara nâ pa kinda.

<sup>13</sup>Mine kala ñine naña ano pami tu miki ma ilomi malia ñana nâna ñine naña uru akai ñana avilami kê, mine ndimo. Ara ñana miki ma kandeka nâ, ñana tu nanenŋu nâna ñine itula pwataki tu Maro Kindeni iveta kie ara pami lâ.

### **Paulo ikai noña pa Maro Kindeni tu ma ivilanzi**

#### **Efesus ngu ñana simandi kaika kê**

<sup>14</sup>Naña uru kalonŋu ngere ñana vetâña ara njinde kinda Tamânda muŋga iveta pami, aku ñine igagati ilonŋu kalonŋu ñana apare tukunŋu ndue akai noña papa i. <sup>15</sup>I tamwata ña nde ikeno ne ngu rârâni tininzi, kinzi aŋelo njinde simo samba ilo wa kinda tamâta ñine tamo tâno kulu wa. I nde kinda rârâni Tamânda. <sup>16</sup>I imo samba ilo, aku ikura tu iveta vetâña arara kie-kie. Mine kala naña ano papa i tu i ne Koroani Sapâña ma io ne walo kaika lâ ilomi kalomi, ñana miki ma kakura tu kamandi kaika nâ. <sup>17</sup>Ñinenŋa nemi kalo-tawana ma ilâ sondo pa Kirisi, aku i ma

imo ilomi. Aku naŋa ano papa Maro Kindeni tu miki ma tinimi mwasa ndo panzi tamâta rârâni, aku nemi tini-mwasa ŋinde ma isukami ŋana kamandi kaika kâ. <sup>18</sup>Ambo miki ma kamo mine, ande miki katavanzi Maro Kindeni ne tamâta rârâni ma kakura tu kasama Kirisi ne tini-mwasa ŋinde kilala sondo. I ne tini-mwasa ŋinde nde ŋalae ndo. <sup>19</sup>Mao nâ, Kirisi ne tini-mwasa ŋinde nde ipole kinda tamâta nenda ilo-kalo marumbu lâ. Ambo miki ma kasama tini-mwasa ŋinde kilala sondo, ande Maro Kindeni tamwata kilala ma ipipi ndo lâ ilomi kalomi.

<sup>20</sup>Maro Kindeni tamwata ne walo kaika uru ikai wurâta lâ ilonda kalonda, aku walo kaika ŋinde nde ŋalae ndo. Mine kala vetâŋa ndia ilonda patea tu ma tano papa Maro Kindeni ŋana iveta kâ, ande i ikura ndo ŋana iveta vetâŋa ŋinde rârâni. Ŋinde nde wurâta ŋalae papa i nde tia, ŋana tu i ne walo ipole kinda nenda ilo-kalo marumbu lâ. <sup>21</sup>Mine nde ara ŋana kinda kalo-tawana tamâta rârâni ma talâ taitu kuku Yesu Kirisi ku tapanea Maro Kindeni tasuka i ŋa kâki, ma taveta mine ku tamo nâ. Mao.

#### Kinda kalo-tawana tamâta tamo tatogo Kirisi kie-mbalau mine

**4** <sup>1</sup>Mine kala miki kaloŋo sondo ŋga. Naŋa uru aveta wurâta pa Maro Ŋalae, aku ŋana duvi ŋine kâ naŋa amo luma sakamao ilo. Mine kala naŋa atu apaŋo ilomi kalomi, ŋana miki ma kapaveta kuku vetâŋa arara nâ, ikura Maro Kindeni ipatea pami lâ zo ŋinde isarâwa pami tu kao nemi kalo-tawana ilâ papa i.

<sup>2</sup>Ikura zo zo miki taitu-taitu ma kapatawa warakami tinimi, aku kamo mwasa nâ kunzi nimi-nambwe kalo-tawana tamâta. Miki ma wisimi nâna walele panzi ŋana vetâŋa soki siveta pami, mine ndimo. Miki ilomi ndo ikeno panzi; mine nde miki ma kazavaru nenzi vetâŋa soki ŋinde piti lâ.

<sup>3</sup>Koroani Sapâŋa ikura tu ivetami kamo ilomi kalomi taitu nâ. I ne wisi-pisi nde imo kumi, aku wisi-pisi ŋinde itogo wâlo ŋana ipa miki kamo ŋgu taitu. Mine nde ara ŋana miki ma kaveta wurâta kaika ŋana kamo ilomi kalomi taitu mine.

<sup>4</sup>Kinda kalo-tawana tamâta tamo see ŋgu taitu nâ, aku Koroani Sapâŋa taitu nâ imo. Aku mine nâ, Maro Kindeni ilo tu miki ma kamâ taitu ku kao tinimi pa i tu ma iveta kie ara pami, ikura muŋga itula pwataki mine, lâ zo ŋinde isarâwa pami tu kalomi tawana i. <sup>5</sup>Maro Ŋalae taitu nâ imo, aŋga kalo-tawana taitu nâ ikeno, aŋga lââ-liliŋa taitu nâ ikeno. <sup>6</sup>Aku Maro Kindeni taitu nâ imo, ina kinda tamâta rârâni Tamânda. Ikai maro pa kinda rârâni wa, imo isala kinda rârâni wa, imo kinda rârâni ilonda wa.

<sup>7</sup>Taitu Maro Kindeni io ne wisi-wisi ŋalae ŋinde imâ pa kinda taitu-taitu ŋana taveta wurâta pinde, ikura Kirisi iwae pa kinda mine. <sup>8</sup>Ŋana duvi ŋinde kâ, Maro Kindeni kawa ŋgua ikeno lâ pepa tini mine tu,

“Ikâki ilâ imo âta ndo, aku lâ zo ñinde ikainzi ne kazânga tamâta soka muli silâ, kinzi ñinde muᅅga ipolenzi lâ paraᅅa ilo ku wâlo nâ ipanzi kaika lâ. Andeta iwae wisi-ara panzi ne tamâta.”

<sup>9</sup>(Iᅅgua ikeno mine tu, “Ikâki ilâ imo âta ndo”, aku ñine itula pwataki tu Kirisi muᅅga indue ilâ tâno ilo pa lâmbu ndo. <sup>10</sup>Mine kala kindâ tasama tu Kirisi muᅅga indue imâ, aku muli inani kala ikâki ilâ kilo. Ikâki ilâ imo nia maa ikeno âta ñinde kulu. Mine kala ikura ᅅana imo nia ndoni.) <sup>11</sup>Aku inani muᅅga ipatea wurâta panzi ne tamâta. Ipateanzi tamâta pinde ᅅana ma simo i ne pâri-tamâta, aᅅga ipateanzi tamâta pinde ᅅana ma simo ᅅgua-tulâᅅa tamâta. Ipateanzi tamâta pinde ᅅana soka silâ lawea lawea situla pâri ara, aᅅga ipateanzi tamâta pinde ᅅana sikai poe panzi i ne kalo-tawana tamâta ᅅgu wa sipanananzi wa. <sup>12</sup>Kirisi ne vetâᅅa ñinde ne duvi nde mine; i ilo tu Maro Kindeni ne tamâta rârâni ma sikura tu siveta wurâta sondo papa i, ᅅana i ne ᅅgu ñinde nenzi kalo-tawana ma ikeno kaika nâ. <sup>13</sup>Kinda ma taveta wurâta mine lee, ikura lâ zo muli ñinde kindâ ma naonda rege nâ tao nenda kalo-tawana ilâ mao nâ papa i. Lâ zo ñinde, kindâ ma tasama Maro Kindeni Natu kilala sondo. ᅅineᅅga kindâ ma tamo tatogonzi tamâta sondo, aku Kirisi kilala ma ipipi ndo lâ ilonda kalonda.

<sup>14</sup>Lâ zo ñinde, kindâ ma tamo tatogonzi lâlu puro-puro kilo, ande tia. Mine kala kinzi laᅅeᅅa tamwatanzi ma sikura tu siveta ᅅgua kaᅅa mona-mona ku silaᅅe kindâ kilo, ande ma tia. Kinzi uru siporo ᅅgua laᅅeᅅa ku siyaula tamâta pinde nenzi kalo-tawana. Taitu lâ zo muli ñinde, ande ᅅgua kaᅅa mine ma ikura tu itingᅅi kindâ talâ wa tamâ wa, itogo lawea itingᅅi wâᅅga isakoko potomule mine, ande ma tia. <sup>15</sup>Andeta ara ᅅana kindâ ma taporo ᅅgua mao nâ, ᅅana tu ñine ma itula pwataki tu kindâ tininda mwasa nâ panzi tamâta. Ambo kindâ ma taveta mine, ande kindâ ma tatumbu lee ku muli ᅅga ma tapaipa ndo kuku Kirisi, ina kala imo kulu-kâmba panzi kalo-tawana tamâta ᅅgu. <sup>16</sup>Kinda tamo Kirisi ne tamâta, aku tamo tatogo i kie-mbalau mwasina. Kinda karaenda ne tini pinde-pinde rârâni nde sipaseᅅge lâ taitu, aku tukânda rârâni nde sisuka karaenda tu imandi kaika. Aku mine nâ, Kirisi imo kulu-kâmba pa i ne ᅅgu kindâ, aku iseᅅge kindâ rârâni tamo taitu. Mine kala miki kaloᅅo ᅅga; ambo kindâ rârâni taitu-taitu ma tininda mwasa nâ panzi kalo-tawana tamâta wa kasukanzi wa taveta wurâta ikura Kirisi ipatea pa kindâ wa, ande nenda kalo-tawana ma ikeno kaika ndo.

#### **Kinda kalo-tawana tamâta ma taveta vetâᅅa wasaseki**

<sup>17</sup>Mine kala naᅅa atu aporo ᅅgua tonᅅe pami. Naᅅa akai Maro Iᅅalae kawa ku aporo kaika mine tu miki ma kapaveta kuku kinzi tinikoa nenzi vetâᅅa kilo ndimo. Kinzi nenzi ilo-kalo nde kekeleke kaa nâ. <sup>18</sup>Kinzi ilonzi kalonzi nde pasâsâe ndo lâ, aku ñine itogo kinzi simo lâ kondoma



ilo. Kinzi ilonzi kalonzi tia ndo, aku tininzi pwâka tu sikai ilo-kalo ara kâ. Mine kala kinzi simo piti ndo ñana via mao ñinde Maro Kindeni ilo tu ilanzi tamâta rârâni. <sup>19</sup>Kinzi mainzi ñana vetâña uru siveta ñinde, ande tia ndo. Kinzi sipatambira warakanzi silâ ñana siveta vetâña sakamao nâ, aku ilonzi nde igagatinzi ndo ñana sipalulua warakanzi tininzi potomule nâ.

<sup>20-21</sup>Naña asama tu miki kaloño Kirisi parina marumbu lâ. Miki kapono muli papa i lâ, aku kapanâna sondo ndo ñana Yesu ne ñgua mao kâ. Aku naña asama tu kinzi kalo-tawana tamâta ñandai sipananami ñana kapaveta kuku tinikoa nenzi vetâña sakamao ñinde ñga. <sup>22</sup>Kinzi sipananami ñana kapu mulimi pa ilo-kalo siña ne vetâña. Ilo-kalo ñinde nde uru ilañenzi tamâta, aku iveta ilonzi kâki ñana siveta vetâña sakamao kâ, kala sipayaula. Mine nde kinzi kalo-tawana tamâta sipananami ñana kapile ilo-kalo siña ñinde, <sup>23</sup>aku kasâu pa Maro Kindeni tu iveta ilomi kalomi ipâña wasaseki ndo. <sup>24</sup>Aku sipananami ñana kapono muli pa ilo-kalo wasaseki, ilo-kalo ndainani Maro Kindeni iveta ipâña itogo i tamwata kilala mine. Ambo tamâta tonje ma ipono muli pa ilo-kalo ara ñinde, ande tamâta rârâni ma simora pwataki tu ikai via mao marumbu lâ, ñana tu i ma iveta vetâña rârâni sondo ku ara ndo lâ Maro Kindeni nao.

<sup>25</sup>Mine kala naña aporo kaika tu miki ma kapile nemi mâsi ñana kaporo ñgua lañeña kâ, aku miki rârâni ma kaporo ñgua mao nâ panzi nimi-nambwe kalo-tawana tamâta, ñana tu kinda rârâni tamo see ñgu taitu. <sup>26</sup>Ambo noko wisi nâna, ande kupakatona sondo ñga. Tia ma kuveta kiesaka. Ambo noko wisi nâna lee kari indue mbo, ande ñinde ara tia ndo. <sup>27</sup>Ambo noko wisi nâna ikura zo luandongo, ande ñine itogo noko pwai nzâla piti pa Sadana ñana ma imâ ilañeno ñana kuveta kiesaka kâ. <sup>28</sup>Aña miki panaweña tamwatami, miki ma kapanawe kilo ndimo. Ara ñana miki ma kaveta wurâta mao lâ warakami mbaumi. Ambo miki ma kaveta mine, ande miki ma kagona mbumbu pinde, ñineña ma kakura ñana kasukanzi sugorai tamâta.

<sup>29</sup>Miki ma kawami kaporo ñgua soki kie-kie ndimo. Iña ara nâ ma ipâña lâ kawami, ikura ñana isukanzi tamâta ea siloño nemi ñgua ñinde. Ambo miki ma kaporo ñgua ara, ande ñinde ma ivilanzi tinimi pinde. <sup>30</sup>Ambo miki ma kaporo ñgua soki panzi tamâta, ande ñinde ma iveta Koroani Sapâña ilo malia. Aku ñinde ma ara tia ndo, ñana tu Maro Kindeni muñgani io Koroani Sapâña imâ pami itogo i kilala mine, aku i uru itula pwataki tu miki kamo Maro Kindeni ne tamâta sondo. Mine nde miki kasama tu muli ñga Maro Kindeni ma ikaimi kataulo kamâ kamo ara ndo kuku i. <sup>31</sup>Miki ma kapile vetâña sakamao kie-kie mine; mâsi ñana ilomi makisa kâ, aña mâsi ñana wisimi nâna kâ, aña mâsi ñana kapawa ñgua kâ, aña mâsi ñana kaporo ñgua pavaligiña kâ. Miki

ma kapaveta kuku vetâña potomule ndimo. <sup>32</sup>Ara ñana miki ma kalomi sukâña mao nâ panzi nimi-nambwe kalo-tawana tamâta, aku kaveta kemi ara nâ panzi. Ambo noko ninambwe tonje iveta soki pano, ande noko ma kuzavaru vetâña soki ñinde piti lâ. Miki kalomi ñgere sondo ñga; miki kalomi tawana Kirisi lâ, aku ñana nemi kalo-tawana ñinde kâ Maro Kindeni muñgani izavaru warakami nemi kiesaka piti mine nâ.

### Kinda ma toka lâ sinâla ne nzâla

**5** <sup>1</sup>Mine nde ara ñana miki ma kapaveta kuku vetâña rârâni Maro Kindeni ilo papa ñinde, ñana tu i ilo ndo keno pami, aku miki kamo i natu wukale. <sup>2</sup>Miki ma kapaveta sondo ndo kuku tini-mwasa ne vetâña, itogo Kirisi tini mwasa ndo pa kinda kala io tamwata ne via ilâ pa mateña ñana ivila kinda kâ. I io tamwata ne via ilâ pa Maro Kindeni itogo patarawâña ne kuwae ara ndo mwasina, aku Maro Kindeni ilo ara ndo ñana patarawâña ñinde kâ.

<sup>3</sup>Miki kamo Maro Kindeni ne tamâta sapâña. Mine kala miki ma kapalulua tinimi potomule ndimo, aku ma kapaveta kuku vetâña muso kie-kie ndimo. Miki ma ilomi yosi pa tinimi pinde nenzi kelekele ndimo. Miki ma kandeka ku kaporo ñgua ara tini mwata nâ ñana vetâña sakamao kie mine ndimo. <sup>4</sup>Aku miki ma kaporo ñgua sakamao wa ñgua kapa-kapa wa ñgua logi-logi sakamao wa, mine ndimo. Ñgua kaña mine nde ara tia ndo. Ara ñana kinda ma kawânda ndanje ñalae ilâ pa Maro Kindeni, aku ñgua kaña ara mine ma ikai ñgua sakamao kie-kie ñinde nia. <sup>5</sup>Miki kaloño sondo ñga; tamâta ea sipalulua tininzi potomule wa siveta vetâña muso wa ilonzi yosi pa tamâta pinde nenzi kelekele wa, ande kinzi tamâta mine ma sikura tu simo kuku ñgu ñinde Maro Kindeni kuku Yesu Kirisi rua uru sikai maro papa, ande tia ndo. Mâsi ñana ilonda yosi kâ nde irerege kuku mâsi ñana tawâñgi tapaneanzi maro lajeña kâ. <sup>6</sup>Miki kapakatona sondo ñga. Tia ma tamâta pinde silañemi ku siporo ñgua mona-mona pami ñana vetâña potomule ñinde kâ. Maro Kindeni ne wisi-nâna ikeno panzi tamâta ea siveta vetâña potomule kie-kie ñinde, kinzi ñinde tañanzi kaika papa i ne ñgua. <sup>7</sup>Mine nde miki ma tinimi piti ndo ñana lajeña tamwatanzi ñinde nenzi vetâña kâ.

<sup>8</sup>Muñga, ande miki warakami kala kamo kondoma ilo, taitu lâ zo ñine miki kapaipa kuku Maro Ñalae kala kamo sinâla ilo. Mine nde ara ñana miki ma kamo katogonzi sinâla ne tamâta mine. <sup>9</sup>Ñana tu sinâla uru ipula kanaño ara nâ lâ tamâta ilonzi kalonzi. Mine kala siveta vetâña ara wa vetâña ipakura kuku Maro Kindeni ne ñgua mao wa vetâña sondo ndo lâ Maro Kindeni nao wa. <sup>10</sup>Aku ara ñana miki ma kapanâna ñana vetâña ndia Maro Ñalae ilo papa ñinde tona. <sup>11</sup>Miki ma tinimi piti ndo ñana kondoma ne vetâña kaa kaa tamâta pinde uru siveta ñinde. Vetâña kie mine uru ipula kanaño ara lâ tamâta ilonzi kalonzi, ande tia. Ara ñana

miki ma katula vetâña kie mine kilala pwataki panzi tamâta. <sup>12</sup> Andeta naña tiniŋgu pwâka tu atula ŋgua ŋana vetâña sakamao uru sipavea ku siveta ŋinde. Naña maiŋgu ŋana aporo ŋgua ŋana vetâña kie mine. <sup>13</sup> Taitu sinâla itula vetâña rârâni kilala pwataki. <sup>14</sup> Aku lâ zo ŋana sinâla isinala nia kondoma kê, ande kondoma ŋinde ma ipâŋga itogo sinâla mine. Mine kala ŋgua tonje ikeno mine tu,

“Noko tamâta ndai, nokoni kala uru pweno mata nâ, ande kumandi sânda tâ! Ambo noko ma kumandi lâ mateña nianzi kumo via kilo, ande Kirisi ne sinâla ma ipaneno.”

<sup>15</sup> Mine nde miki ma kapakatona sondo ŋana nemi vetâña kê. Miki ma kamo katogonzi tamâta ŋinde nenzi ilo-kalo tia, mine ndimo. Ara ŋana miki ma kamo katogonzi tamâta simo tava nenzi ilo-kalo ara, <sup>16</sup> ŋana tu zo kala kinda tamo ŋine, ande kiesaka ne zo. Mine nde ara ŋana miki ma kaveta vetâña ara nâ ikura zo zo. Tia ma zo ŋine ilâ kaa nâ. <sup>17</sup> Mine nde miki ma kapakatona sondo, aku kapaveta kuku vetâña kapa-kapa ndimo. Ara ŋana miki ma kapanâna ŋana vetâña ndia Maro Ŋjalae ipatea pami ŋinde.

<sup>18</sup> Miki ma kanu lââ kaika ŋalae ku kadauda ndimo, ŋana tu vetâña kie mine ma iyaula miki ndo. Ara ŋana mâsi ŋine ma ikai dadauŋa ne mâsi ŋinde nia; miki ma kao ilomi kalomi ilâ pa Koroani Sapâña, ŋana i ma ipipi ndo lâ ilomi kalomi ku ikai poe sondo pami. <sup>19</sup> Lâ zo ndia miki kaporo ŋgua kunzi nimi-nambwe kalo-tawana tamâta pinde, ande ara ŋana miki ma kakai ŋgua pinde ikeno lâ wâŋgiña paneâña kê tava wâŋgiña pinde Koroani Sapâña itula lâ ilomi kalomi, aku kaporo ŋgua kaña mine panzi. Aku lâ zo ndia miki kawâŋgi wâŋgiña paneâña kê pa Maro Ŋjalae, ande miki ma kaveta mine tava ndekâña wa paneâña wa. <sup>20</sup> Aku ikura zo zo, miki ma kaporo kawami ndaŋge ilâ pa Tamânda Maro Kindeni lâ nenda Maro Ŋjalae Yesu Kirisi ŋa, ŋana vetâña ndia rârâni ipâŋga pami.

### **Paulo iporo ŋgua panzi tamâta sipakâe lâ**

<sup>21</sup> Miki uru kamege ŋana Kirisi kê. Mine nde ara ŋana miki taitu-taitu ma kapatawa warakami tinimi ku kamo kalo-tawana tamâta rârâni kalonzi. <sup>22</sup> Miki taine, miki ma kapatawa warakami tinimi ku kapono muli pa kaiwami tamâne kawanzi ŋgua, itogo uru kaveta pa Maro Ŋjalae mine. <sup>23</sup> Ŋana tu tamâne imo kulu-kâmba papa kaiwa taine, itogo Kirisi imo kulu-kâmba panzi kalo-tawana tamâta ŋgu mine. Aku Kirisi tamwata imo kinda kalo-tawana tamâta ŋgu nenda Yautâña Tamwata, kinda ŋine kala tamo tatogo i kie-mbalau mine. <sup>24</sup> Kinda kalo-tawana tamâta uru tapatawa warakânda tininda ku tamo Kirisi kalo. Aku ara ŋana miki taine kala ma kapatawa warakami tinimi mine nâ ku kamo kaiwami tamâne kalonzi ikura zo zo.

<sup>25</sup> Anġa miki tamâne, miki ma tinimi mwasa ndo panzi kaiwami taine, itogo Kirisi tini mwasa ndo panzi kalo-tawana tamâta ŋgu mine. Muŋga Kirisi ne tini-mwasa ŋinde igagati i ŋana io tamwata ne via ilâ pa materja ŋana ivilanzi kalo-tawana tamâta. <sup>26</sup> Mao nâ, ipile tamwata ne via ŋana ivetanzi ne kalo-tawana tamâta ŋgu simo ilonzi mbâra-mbâra. I muŋga itula Maro Kindeni kawa ŋgua panzi ŋgu ŋinde, aku ililinzi lâ lââ ŋana izavaru kiesaka ne muso piti lâ ilonzi kâ. <sup>27</sup> I ne vetâŋa ŋinde nde duvi mine; i ilo tu ma ikai ŋgu ŋinde papa i tamwata. Mine kala ivetanzi simo ara ndo, itogo taine taipa tonġe i tini wa ilo ndoni nde zuzuli ndo, aku ne soki tonġe tia. <sup>28</sup> Aku miki tamâne kala mine nâ, miki ma tinimi mwasa ndo panzi kaiwami taine, itogo uru tinimi mwasa pa warakami karaemi mine. Ambo tamâta tonġe tini mwasa ndo papa i kaiwa taine, ande i uru tini mwasa pa tamwata tona. <sup>29</sup> Kinda tasama tu tamâta uru sikai kazâŋa pa warakanzi karaenzi, ande tia ndo. Kinzi uru sisua warakanzi karaenzi ku sikatona sondo ndo, itogo Kirisi kala iveta pa kinda kalo-tawana tamâta mine. <sup>30</sup> Ŋana tu kinda tamo tatogo Kirisi kie-mbalau mwasina. <sup>31</sup> Maro Kindeni kawa ŋgua ikeno lâ pepa tini mine tu, “Mine kala tamâne ma ipilenzi tina-tama ku ipasipa kuku kaiwa taine, aku kinzi rua ma sipânġa itogo karaenzi taitu nâ mine.” <sup>32</sup> Ŋgua ŋalae tonġe ikeno paveâŋa nâ lâ Maro Kindeni ne ŋgua ŋinde ilo. Naŋa warakânġu ilonġu patepa tu ŋgua ŋine nde ŋgua siâŋa ŋana Kirisi tavanzi ne kalo-tawana tamâta ŋgu. <sup>33</sup> Taitu ŋgua ŋine nde iyoke miki tona. Miki tamâne taitu-taitu ma tinimi mwasa ndo panzi kaiwami taine, itogo tinimi mwasa pa warakami mine. Aku miki taine taitu-taitu ma kamege ŋananzi kaiwami tamâne.

#### Paulo iporo ŋgua panzi lâlu wa tinanzi tamanzi wa

**6** <sup>1</sup> Miki lâlu, miki ma kalomi ŋgere ŋana Maro Ŋalae kâ, aku kapono muli pa tinami-tamami kawanzi ŋgua. Vetâŋa mine nde vetâŋa sondo ndo.

<sup>2</sup> Ŋana tu Maro Kindeni kawa ŋgua ikeno lâ pepa tini mine tu,  
 “Miki ma kamege ŋananzi tinami-tamami, aku kaveta ikura nenzi ŋgua mine”.

Ŋgua tukuŋa ŋinde nde imuŋga panzi ŋgua tukuŋa pinde rârâni ŋana itula ŋgua pâŋa tonġe tona. Ŋgua pâŋa ŋinde nde ikeno mine;

<sup>3</sup> “Ambo miki ma kaveta mine, ande miki ma kamo ara, aku ma kamo zo luandondo lâ tâno ŋine kulu.”

<sup>4</sup> Anġa miki lâlu ŋinde tamanzi, ande miki ma kavetanzi natumi wisinzi nâna pami, mine ndimo. Miki ma kakatonanzi sondo lâ Maro Ŋalae nao, aku katula nzâla ara panzi ku kapanananzi, ikura Maro Ŋalae ipatea pami mine.

#### Paulo iporo ŋgua panzi tamâta uru siveta wurâta koa tia nâ wa kinzi tamâta ŋalaŋala wa

<sup>5</sup> Anġa miki tamâta ea uru kaveta wurâta koa tia nâ panzi tamâta ŋalaŋala, miki ma kapaloŋo pa nemi koipu ŋinde nenzi ŋgua, aku

kamege ndo ŋananzi. Miki ma kamege mao nâ ŋananzi, aku kakai laŋeŋa panzi ndimo. Aku miki ma kaveta wurâta ara nâ panzi ikura zo rârâni, itogo uru kaveta pa Kirisi mine. <sup>6</sup>Zo pinde miki nemi tamâta ŋalaŋala simo kumi ku silea pa nemi wurâta, aku miki uru kapaloŋo pa nenzi ŋgua, ŋana tu miki ilomi tu kinzi ma ilonzi ara pami ŋana nemi wurâta kâ. Taitu ara ŋana miki ma kaveta wurâta ara mine nâ lâ zo ndia kinzi simo malawae ŋanami tona. Miki kamo Kirisi ne wurâta tamâta; mine nde miki ma kamandi kaika aku ilomi ndeka ŋana kaveta vetâŋa ndia Maro Kindeni ipatea pami. <sup>7</sup>Miki ma ilomi ara nâ ŋana kaveta wurâta koa tia nâ panzi nemi tamâta ŋalaŋala, ŋana tu miki ŋandai kaveta wurâta panzi tamâta nâ; miki kaveta wurâta papa Maro ŋalae tamwata tona. <sup>8</sup>Miki kalomi ŋgere sondo ŋga; Maro ŋalae ma kulu ara ilanzi tamâta rârâni siveta nenzi wurâta ara. I ma iveta kie taituni mine panzi tamâta ea sikai mbaliŋa lâ nenzi wurâta tini, sitavanzi tamâta ea siveta wurâta koa tia nâ.

<sup>9</sup>Aŋga miki tamâta ŋalaŋala, miki kala ma kaveta kemi ara nâ panzi tamâta rârâni uru sikai wurâta koa tia nâ pami ŋinde. Miki ma kapile mâsi ŋana kaveta ruruŋa panzi kâ. Kalomi ŋgere sondo ŋga; Maro ŋalae imo samba ilo, aku inani ikai maro pa miki wa kinzi wa. I uru iveta vetâŋa kie taituni panzi tamâta rârâni.

#### **Kinda kalo-tawana tamâta tamo tatogonzi zugu tamâta mine**

<sup>10</sup>Ayo, kala ŋine naŋa ma aporo ŋgua mbuku taitu ŋine, ŋineŋga nanenŋu ŋgua rârâni ma marumbu. Miki kapaipa kuku Maro ŋalae lâ, aku i ne walo kaika uru isukami ŋana kamandi kaika kâ. Miki ma kasaŋa i ne walo kaika ŋinde ndindi nâ. <sup>11</sup>Miki ma kasawa paraŋa ne siŋgâra rârâni Maro Kindeni ilua kinda, ŋana miki ma kakura tu kamandi kaika lâ zo ndia Sadana itu ikai kazâŋa pami.

<sup>12</sup>Miki kalomi ŋgere sondo ŋga. Kinda ŋandai tapara kunzi tamâta ŋga; kinda tapara kunzi koroani saka kie-kie, kinzi ŋinde simo tava nenzi kaika lâ nia maa ku sikai poe panzi tamâta lâ kondoma ne zo sakamao ŋine. <sup>13</sup>Mine nde miki ma kakai paraŋa ne siŋgâra Maro Kindeni ilami ŋinde, aku walele nâ kasawa ŋinde rârâni lâ tinimi! ŋineŋga lâ zo ndia vetâŋa sakamao ma imâ ipâŋga pami, ande miki ma kakura tu kamandi kaika ku kapara kuku nenda kazâŋa tamâta. Aku lâ zo ŋana paraŋa ma marumbu kâ, ande miki ma kamandi kaika yo kamo ŋai. <sup>14</sup>Ambo miki katu kamandi kaika, ande miki ma kaveta mine; miki ma kakai ŋgua mao ŋana Maro Kindeni kâ ikeno kaika lâ ilomi kalomi, itogo zugu tamâta ipa wâlo lâ kambwaje mine. Aku miki ma kapaveta kuku vetâŋa arara rârâni Maro Kindeni ilo papa ŋinde, itogo zugu tamâta isawa pasawaŋa “kapa” ipono kondondoni mine. <sup>15</sup>Aku miki ma kaluku ŋana katula pâri ara ŋana Maro Kindeni ne wisi-pisi kâ, itogo zugu tamâta

isawa kie kâmba lâ kie ŋana imandi kaika lâ paraŋa ilo. <sup>16</sup>Aku ikura zo rârâni, miki ma kasaja nemi kalo-tawana kaika ku kalâ paraŋa ilo, ŋana tu nemi kalo-tawana ŋinde nde itogo nemi maramuŋa mwasina. Ambo miki ma kaveta mine, ande miki ma kakura tu kapupu silâwa ndia Sadana io yââ lâ tini ku ipane imâ pami ŋinde. <sup>17</sup>Aku miki ma kalomi ŋgere sondo ŋana ŋine kâ; Maro Kindeni iyautemi piti lâ kondoma ilo marumbu lâ. Ambo miki ma kalomi ŋgere ŋana ŋinde kâ, ande ŋinde ma ikea ŋana nemi ilo-kalo, itogo sambara “kapa” ikea ŋana zugu tamâta kulu kâmba mine. Aku miki ma kasaja Maro Kindeni kawa ŋgua kaika ndindi nâ, ŋana tu ŋgua ŋinde nde itogo Koroani Sapâŋa ne pila ŋalae ŋana kazâŋa kâ.

<sup>18</sup>Lâ zo ndia miki kasawa paraŋa ne singâra ŋinde ndoni lâ tinimi, ande miki ma kakai noŋa pa Maro Kindeni tu ma ivilami. Aku ikura zo zo miki ma kakai noŋa ikura Koroani Sapâŋa igagatimi tu kaveta mine. Miki ma kakai wulitia ŋana kano pa Maro Kindeni kâ ndimo. Ambo miki ma kalomi ŋgere sondo ŋana ŋinde kâ, aku kakai noŋa pa Maro Kindeni ikura zo rârâni tu ma ivilanzi ne tamâta, ande ŋinde nde ara ndo.

<sup>19</sup>Aku naŋa iloŋgu tu miki ma kano pa Maro Kindeni tu ma isuka naŋa tona. Ara ŋana miki ma kano papa tu i ma io ŋgua ara nâ lâ kawâŋgu, lâ zo ndia naŋa amandi ŋana atula i kawa ŋgua pwataki. Ambo i ma isuka naŋa mine, ande naŋa ma akura tu atula pâri ara ne ŋgua paveâŋa ŋinde pwataki, aku ruruŋa ne mâsi ma ikeno piti ndo ŋanana. <sup>20</sup>Yesu Kirisi tamwata isupwa naŋa alâ ŋana akai i ndamwa ku atula pâri ara ŋinde kâ. Taitu kala ŋine naŋa amo luma sakamao ilo ŋana nanenŋu wurâta ndainani nâ. Mine nde naŋa iloŋgu tu miki ma kano pa Maro Kindeni tu ma ipu tini kaika pa iloŋgu kalonŋu. Ŋineŋga naŋa ma amandi kaika atula pâri ara ŋinde panzi tamâta, ikura i ne pateâŋa mine.

### **Paulo ino pa Maro Kindeni tu ma iveta kie ara panzi Efesus ŋgu**

<sup>21</sup>Tikikus ma imâ itapâri pami ŋana vetâŋa rârâni ipâŋga pa naŋa lâ. I nde kinda ninda-nambwe, aku maka iloma ara nâ papa i. I uru iveta wurâta pa Maro Ŋalae, itogo maka uru kaveta mine, aku i ne wurâta ŋinde nde ipâŋga ara ndo. <sup>22</sup>Mine kala naŋa asupwa i imâ pami, ŋana miki ma kasama ŋana maka nema saŋonâŋa wa moŋa wa. Naŋa iloŋgu tu i ne ŋgua ŋinde ma ipu tini kaika pa ilomi kalomi.

<sup>23</sup>Kinda Tamânda Maro Kindeni kuku Maro Ŋalae Yesu Kirisi rua ma siveta nima-nambwe kalo-tawana tamâta miki kamo tava wisimi pisi nâ. Aku kinzi rua ma sipu tini kaika pa nemi kalo-tawana, ku ma siveta tinimi mwasa ndo panzi tinimi pinde tona. <sup>24</sup>Maro Kindeni ne wisi-wisi imo kunzi tamâta rârâni ŋine sio ilonzi ndo ilâ pa nenda Maro Ŋalae Yesu Kirisi ikura zo zo.